



### **Zernez Viel - sanaziun infrastruttura - surdatta lavurs d'indschegner**

Davo cha la suprastanza cumünala ha acconsenti la dumonda da princip per la sanaziun d'infrastructura dal quartier Viel, Zernez han las lavurs da planisaziun e guida da fabrica pudü gnir surdattas a la ditta Caprez AG, Zernez.

### **Sanaziun sarinera Zernez - surdattas da lavurs**

In connex cul proget da la sanaziun sarinera Zernez es gnüda surdatta la planisaziun pel rimplazzamaint dal s-chodamaint existent a la ditta Torsten Hartmann, Grüşch e la furniziun e montascha dal indriz da grü a la firma L. Meili & Co. AG, Turich.

### **Deponia Sfuondrà, Zernez - examinaziun preliminar**

L'uffizi per la natüra e l'ambiant ha taxà aint las veglias deponias tenor differentas categorias in ün cataster. Il cumün es oblià da laschar executar la deponia Sfuondrà, Zernez. In ün prüm pass vain fatta l'examinaziun istorica. Our da quellas analisas resulta ün cudesch da dovairs, chi vala sco basa per l'examinaziun tecnica. La lavur per l'examinaziun istorica es gnüda surdatta a la firma specialisada Impergeologie AG, Heiligkreuz/Mels.

### **S-chodamaint central - rimplazzamaint quintadurs**

Il nomer d'abunents dal s-chodamaint central es daspö il 1994 creschü sün 50. La funcziunalità dals quintadurs dals ons novanta nun es plü garantida. Per mantgnair il stadi d'infrastructura esa necessari da rimplazzar quists vegls quintadurs davoman. L'incumbenza per furnir e metter in funcziun ils prüms quatter novs quintadurs es gnüda surdatta a la ditta Autevis GmbH, Clostra.

### **S-chodamaint chasa da scoula Lavin - glista da submittents**

In seguit a la decisiun da princip da rimplazzar il s-chodamaint da la chasa da scoula a Lavin ha la suprastanza cumünala acconsenti la glista da submittents per quistas lavurs.

### **Il Cumün da Zernez ha acconsenti ils seguaints permiss da fabrica:**

Parcella no. 3223, Cumün da Zernez – renatüralisaziun deponia Isla Lavin

### **Chamonnas cumünalas**

Illa missiva da fusiun dal 2014 es gnü descrit l'andamaint previs in connex cun l'organisaziun da la chamonnas cumünalas. Impustüt as ha declerà, chi's voul agir in avegnir tenor listess criteris sur tuot il perimenter dal cumün fusiunà. L'on passà es gnüda revaisa, ed in seguit approvada tras la votaziun a l'urna, la nouva ledscha cumünala da chamonnas. Sün quai ha il cumün armonisà ils contrats e cun quai tanter oter eir ils fits annuals da tuot las chamonnas sül territori dal Cumün da Zernez. Dals total 48 novs contrats da fittanza sun 47 gnüts suottascrits ed acceptats, cul nouv fit plü ot. Il cumün ingrazcha a las fittadras e fittaders chi han suottascrit il contrat per lur incletta.

### **Cumischiuns e delegaziuns cumünalas - surlavuraziun 2024**

Üsitadamaing s'ha surlavurà il register da las cumischiuns e delegaziuns cumünalas e preschantà a la suprastanza üna proposta pels adattamaints. La suprastanza cumünala ha decis sur da las commembranzas, delegaziuns etc. pel 2024.

### **Suprastanza cumünala in fracziuns**

In marcurdi, ils 3 avrigl 2024 vain organisà il quart inscunter da la suprastanza cumünala cun la populaziun suot il nom «suprastanza cumünala in fracziun». L'inscunter ha lö a partir da las 20:00h in l'Hotel a la Staziun, Zernez. La suprastanza cumünala infuorma a moda libra tanter oter sur da divers progets illa fracziun da Zernez e sta a disposiziun per dumondas e discussiuns da las votantas e votants da tuot il perimenter dal Cumün da Zernez.